

V. ERANSKINA

IRIZPIDEAK ETA BAREMOA

LEHENTASUNEZKO IRIZPIDEAK

a) Eskatutako ikastetxean edo atxikitako zentro batean matrikulatutako senideak egotea. Atal honetako gehieneko puntuazioa: 6,5 puntu.

– Eskatutako ikastetxean edo atxikitako zentro batean matrikulatutako anai-arreba bat edo gehiago: 6,5 puntu.

b) Bizilekuaren edo lantokiaren hurbiltasuna (kontzeptu horiek ezin dira elkarren artean metatu). Atal honetako gehieneko puntuazioa: 7 puntu.

– Eskatutako ikastetxea ikaslearen bizilekutik hurbilen dagoen ikastetxe publiko hurbilena edota itunpeko ikastetxea bada eragin-eremuaren barruan: 7 puntu.

– Ikaslearen helbidea eskatutako ikastetxearen eragin-eremuan: 5 puntu.

– Eskatutako ikastetxea (publikoa zein pribatu itundua) eskatutako hezkuntza-maila eskaintzen duen ikaslearen bizilekuari gehien egokitzen zaiona bada, baina ez eragin-eremuan, baizik eta eragin-eremu mugakide batean: 5 puntu.

– Ikaslearen helbidea eskatutako ikastetxearen eragin-eremu mugakidean: 2 puntu.

– Ikaslearen helbidea ikastetxea kokatuta dagoen udalerrian, baina eragin-eremuetatik eta mugakideetatik kanpo: puntu 1.

– Ikaslearen helbidea Euskal Autonomia Erkidegoan, baina eragin-eremuetatik eta mugakideetatik eta ikastetxea kokatuta dagoen udalerritik kanpo: 0,5 puntu.

– Ikaslearen beraren lantokia eskatutako ikastetxearen eragin-eremuan, edo, ikasle adingabeen kasuan, aitarena, amarena edo legezko tutorearena: 2 puntu. (Puntuazio hau bateraezina da ikaslearen aitak, amak edo legezko tutoreak eskatutako ikastetxean edo atxikitako ikastetxe batean lan egiteagatik ematen denarekin).

– Nazioarteko Batxilergoko Diploma programan onartzeko, EAEn errolatutako pertsonen puntuazio gorena emango zaie: 7 puntu.

c) Familia-unitatearen urteko errenta (kontzeptu metagarriak, ataleko gehieneko puntuaziora arte). Atal honetako gehieneko puntuazioa: 3 puntu.

– 2024ko Errenta Aitorpeneko zerga-oinarri orokorraren eta aurrezkiaren zerga-oinarriaren baturak 15.876,00 euro gaingitzen ez baditu: 2 puntu.

– 2024ko Errenta Aitorpeneko zerga-oinarri orokorraren eta aurrezkiaren zerga-oinarriaren baturak lehen aipatutako kopurua gaingitzen badu: 0 puntu.

– Gainera, aurreko kasuetako edozeinetan, eskatzailea ez den seme-alaba adingabe bakoitzeko 0,25 puntu gehituko dira.

IRIZPIDE OSAGARRIAK

d) Atxikitako zentroan edo zentroan lan egiten duten senideak egotea. Atal honetako gehieneko puntuazioa: 5 puntu.

– Aitak, amak edo legezko tutoreak eskatutako ikastetxean edo atxikitako ikastetxe batean lan egiten du: 5 puntu (puntuazio hori bateraezina da ikaslearen aitak, amak edo legezko tutoreak eskatutako ikastetxearen eragin-eremuan lan egiteagatik ematen denarekin).

e) Desgaitasuna:

– Ikasle eskatzailearena: 2 puntu.

– Aitarena, amarena, legezko tutorearena edo anai-arrebaren batena: puntu 1.

– Atal honetako gehieneko puntuazioa: 2 puntu.

f) Familia-unitatea lekuz aldatzea nahitaezko mugikortasunagatik, familiako edozein kideren azken urtean sortutako desgaitasunagatik edo genero-indarkeriaren edo terrorismoaren ondorioz bizilekua aldatzeagatik.

– Atal honetako gehieneko puntuazioa: 0,5 puntu.

g) Familia ugarikoa izatea.

– Katetoria bereziko familia ugarikoa izateagatik: 1,5 puntu.

– Katetoria orokorreko familia ugarikoa izateagatik: puntu 1.

h) Guraso bakarreko familia bateko ikasle adingabeak.

– Guraso bakarreko familia batekoa izateagatik: puntu 1.

i) Familia-harrerako egoera.

– Ikasle eskatzailearen familia-harrerako egoeragatik: puntu 1.

j) Erditze anizkoitzetik jaiotako ikasleak.

– Ikaslea bizirik dauden 2 seme-alabako erditze multiplean jaio izana: puntu 1.

– Bizirik dagoen seme edo alaba gehigarri bakoitzeko: 0,25 puntu.

– Atal honetako gehieneko puntuazioa: 1,5 puntu.

k) Ikastetxeko Eskola Kontseiluak hautemandako beste inguruabar garrantzitsu batzuk.

– Ikastetxeko Eskola Kontseiluak edo Ordezkaritza Organo Gorenak libreki zehaztutako irizpideak. Irizpide horietako bat edo batzuk aurretik adierazitakoak izan daitezke, jaiotza, arraza, sexua, erlijioa, iritzia edo beste edozein baldintza edo zirkunstantzia pertsonal edo sozial dela-eta irizpide publiko, objektibo eta ez-baztertzailerekin bat etorritakoak: puntu 1, gehienez. Irizpide horiek jendaurrean jarri beharko dira eskabideak aurkezteko epea hasi baino lehen.

l) Bazkide kooperatibista izatea.

– Familia-unitateko kideren batek eskatutako zentroko bazkide kooperatibista izateagatik: 0,5 puntu.

m) Espediente akademikoa (amaitutako DBHko azken ikasturteari dagokiona):

– Nota bikaina (9): puntu 1.

– Nota oso ona (7): 0,5 puntu.

n) Beste batzuk:

1) Genero-indarkeriaren biktima izatea.

– Genero-indarkeriaren biktima izateagatik: puntu 1.

2) Terrorismoaren biktima izatea.

– Terrorismoaren biktima izateagatik: puntu 1.

– Atal honetako gehieneko puntuazioa: 2 puntu.